

## MARAT SAFIN

# Ruski as novi kralj Melbourn

**M**očan, dostojanstven, spokojan – glasilo bi kratak opis ruskog genija - Marata Safina u trenucima kada je primao pehar namijenjen "kralju" Otvorenog prvenstva Australije 2005.g. Izostale su suze radosnice koje su sastavni dio "filma" kada se kroči na Grand Slam tron. Apolon "bijelog sporta" bio je miran, jer je završio odavno započet posao za koji je prolio na litre znoja. Treće Safinovo finale u Australiji, treća sreća! Prethodna dva puta Fortuna mu je okrenula leđa. Srušio je australski san, ostvario svoj, zaslužio. Iako već otpisan od mnogih, neumoljivi maestro Safin pokazao je i dokazao da povratak u sam svjetski vrh u kome se nalazio prije pet godina, nije nemoguć. Veliki rad, čelična volja, snaga, disciplina i odricanja doveli su ga na nove staze slave i uspjeha.

Život ga je i mazio i šibao, smjenjivale su se faze toplog i hladnog. Rano je okusio

slast zvijezde, a zatim doživio pad. Da je agoniji došao kraj, stigla je potvrda iz zemlje kengura. No vratimo film na početak bajke o jednom od najboljih tenisera današnjice.


U svijet profesionalaca kročio je 1997.g. Prvu titulu uzeo na Challengeru u Espinju. Napredovao je munjevito na ATP listi a već naredne godine napravio je i prvu senzaciju izbacivši u prvom kolu Roland Garrosa neprikosnovenog Agassia. Tu sezonu završava u prvih 50 na svijetu. Slijede godine za nezaborav. Avgusta 1999.g. uzima prvi veliki ATP trofej u Bostonu, gdje je na putu do naziva šampiona izgubio samo set, a u finalu savladao Grega Rusedskog. Uslijedila je tada prava euforija oko ovog dečka snažne desnice. Lomili su se oko Safina sponozori, novinari oko toga ko će mu dati bolji nadimak. U isto vrijeme postao je ruski "Broj 2". Liderska pozicija bila je u rukama Yevgenya Kafelnikova. Odigrao je i prvo

## LIČNA KARTA

<b>Datum rođenja:</b>	27. januar 1980.
<b>Mjesto rođenja:</b>	Moskva
<b>Prebivalište:</b>	Monako i Moskva
<b>Visina:</b>	193
<b>Težina:</b>	88
<b>Porodica:</b>	otac Mihail, majka Rausa Islanova, sestra Dinara Safina
<b>Trener:</b>	Lundsgren Peter
<b>Profesionalac:</b>	od 1997.g.
<b>Igračka ruka:</b>	desna
<b>Ranking:</b>	4. na ATP listi, prvi u šampionskoj trci
<b>Osvojio:</b>	15 ATP titula u singlu, 9 finala, dviije Grand slam titule
<b>Govori:</b>	ruski, španski, engleski
<b>Omiljeni sportovi:</b>	hokej na ledu, fudbal
<b>Omiljena hrana:</b>	ruski borsc

Uslijedile su manje uspješne godine. Na startu 2002.g. odigrao je finale Australian Opena koje je, na 22. rođendan, izgubio od Šveđanina Tomasa Johansona. Iste godine, u finalu Masters turnira u Parizu, "tukao" je tadašnji prvi reket svijeta Australianca Hewitta i osvojio "salataru" sa Davis cup selekcijom Rusije, prvu u istoriji za ovu zemlju, dok je 2003.-ću g. "protračio" zbog povrede. Poslije gotovo godinu dana pauze, stigao je u Australiju gdje se ponavlja slika iz 2002.g., gubitak finala (na rođendan) sada od Švajcarca Federera. Ipak, 2004.-tu g. uspijeva završiti na 4. mjestu ATP liste, trijumfujući na turnirima u Kini, Madridu i Parizu. Sada je na dobrom putu da se ustoliči i na liderskoj poziciji, budući da je jedini teniser koji je u posljednjih pola godine savladao "švajcarskog lava", Federera.

- Kada sam preživio košmarnu 2003.g. i pao na dno, znao sam da moram ponovo od nule, ali nisam odustajao od cilja: ponovo biti "Broj 1". Ne žurim, vjerujem u svojih pet minuta i strpljivo ih čekam. Pokušaću osvojiti što više Grand slam trofeja. To neću uspjeti u Wimbledonu, jer ne volim igrati na travi. Znam da je to psihološki problem, ali se zaista ne osjećam prijatno na toj podlozi. Ipak, pojavio se i ove godine u Londonu – zaključio je miljenik ženskih srca širom svijeta.



## MAJKA, PRVI TRENER

Prve teniske korake napravio je u trećoj godini života u klubu Spartak, u Moskvi, koji je držao njegov otac. Majka ga je ternirala sve do 13. godine kada su roditelji odlučili da ga pošalju u Španiju. Kalio se u Valensiji sve do 17. kada kreće profi karijera i obilazak svijeta što i danas traje. Mlađa sestra Maratova takođe je uspješna teniserka, ali još nije dostigla slavu brata. Nalazi se u top 30. najboljih teniserki svijeta, a početkom februara 2005.g. okitila se WTA titulom u Parizu.

finale turnira iz Masters serije u Parizu, za vrijeme Evropske dvoranske turneje. Na putu do finala eliminisao je Kuertena, Courierera, Changa, a izgubio od Agassia i tu godinu završio u top 25. po prvi put u karijeri.

Zlatni slalom Moskovljanina kreće 2000. g. kada je nanizao sedam ATP trofeja. Prvijenac iz Masters serije uzeo je u Torontu, dok je do prve Grand Slam titule došao nešto južnije, u New Yorku gdje je na koljena bacio i legendarnog Petea Samprasa. Odmah po osvajanju US Opena, pokorio je i Tashkent, te postao prvi igrač poslije Ivana Lendlja, kome je pošlo za rukom da veže Grand Slam i ATP titulu. U tom trenutku našao se na čelu liste najboljih tenisera svijeta, a godinu završava na mjestu "broj 2", oborivši rekord u asovima sa 921 "hicem".